

A R S
S A N C T O R I I
S A N C T O R I I

*Olim in Patavino Gymnasio Medicinam Theo-
ricam ordinariam primo loco proficientis.*

D E
S T A T I C A
M E D I C I N A

Et de responsione ad Staticomasticem.

A P H O R I S M O R U M

Sectionibus octo comprehensa.



Lugduni Batavorum,
Apud DAVIDEM LOPES de HARO.
C1515CXLI.

THE UNIVERSITY OF CHICAGO
LIBRARY

274131
MEDICINE

1911



CHICAGO, ILL.
1911



Illustrissimo, & Excellentissimo

GYMNASII PATAVINI

Moderatori

NICOLA O CONTARENO

Senatori Amplissimo

Sanctorius Sanctorius.



Iù mecum cogita-
vi, & animum di-
versim odè distra-
ctum habui, Illu-
strissime C O N T A R E N E, an
hæc nostra ars statica, nova
quidem, & ante me à nemine
tacta, in lucem esset promen-
da: undique erant mihi effi-
cacissimæ rationes, quæ me
variè exagitabant: ex una parte

erat imperitorum, & malevo-
lorum hominum magna acies,
qui vel nova improbantes, vel
subtilia non intelligentes, hanc
artem divinam licet, damna-
turi essent: alia verò ex parte
hæc me impellebant, amico-
rum interpellatio, res ipsa in-
numeris experimentis confir-
mata: sed mihi humanius vi-
debatur hujusmodi arcana in
usum hominum potius expro-
mere, quam suppressa, interque
privatos detenta parietes quasi
sepulta continere: etenim ma-
jorem laudem semper meriti
fuerunt, qui præclaros artis
fructus aliis sunt impertiti,
quam qui domi occultatos te-
nuere: adhuc tamen supere-
rant angustia, si in hoc partu
caruissem celebratissimo de-
fensore,

fenfore, qui nominis splendo-
re, eximia virtute, miroque
etiam erga me amore esset af-
fectus: Tu ille es: Qui splen-
dore, & auctoritate præfulges,
à cujus consilio, & prudentia
Reipub. negotia summa cum
nominis tui immortalitate de-
pendent, Qui Reipub. admi-
nistrationem cum studiis scien-
tiarum omnium conjunxisti,
quod inter cætera tua admi-
randa demonstrant præclara
illa tua monumenta Historia-
rum, necnon de Cive, quæ
in tuo musæolo abdita inter
quam plurimas alias tuas divi-
nas lucubrationes publicæ lit-
teratorum utilitati præripis,
eorum autem editionem, ac
usum omnes maximo affectu,
summaq; aviditate anhelamus:

Tu ille es, qui me à primis studiorum exordiis in fidem, ac tutelam tuam recepisti, quadragintaq; annorum ferè curriculum usque ad hodiernum diem amore profecutus es. unde singulari tuæ benevolentię, ac gratiæ accepta refero innumera beneficia tum meo, tum amicorum nomine impetrata. Accipe igitur Senator Amplissime hanc, quam multorum annorum cursu peperisti faturam; eamque qua polles auctoritate contra protervam Zoilorum catervam pro summa tua humanitate tueri, & perpetuò defendere non desinas. Dat. Venet. Kal. Novemb. Anno salutis 1614.

AD



A D

LECTOREM.



Ovum atque inaud-
tum est in Medicina
posse quempiam ad
exactam perspirationis
insensibilis ponderationem perve-
nire: nec quisquam Philosopho-
rum, nec Medicorum unquam
hanc Medicae facultatis particu-
lam aggredi ausus est: ego vero
primus periculum feci, & (nisi
me fallat genius) artem ratione
& triginta annorum experientia
ad perfectionem deduxi, quam
consultius judicavi doctrina Apho-
ristica, quam diexodica descri-
bere,

AD LECTOREM.

bere, primò ad imitationem magni nostri Dictatoris, cujus vestigiis insistere gloriosum semper duxi: deinde id feci quasi necessitate impulsus, quandoquidem ipsa experimenta, quibus quotidie assiduus multorum annorum studiis incumbebam, ita me ad hanc doctrinae formam Aphoristicam manu quasi ducebant, ut Aphorismos optimè inter se connexos miro hoc ordine digesserim, eo plane modo quo apes primum melex variis floribus delibant, & deinde in apiariis per ædicularum suarum favos elaboratum miro ordine disponunt.

De utilitate autem artis nihil dicam, cum nemini lateat, quantum in medendo ponderis habeat insensibilis perspirationis cognitio: solum hoc unum benignum Lectorem

AD LECTOREM.

rem admonitum velim, cum sic se
ferant res humanae, ut res novas
invidia opprimere potius quam
studio illas promovere conentur,
scio multos non solum vulgares,
sed etiam ex literatorum censu,
non veritatis amore ductos, sed
ambitionis æstro, aut vana con-
tradicens libidine, aut invidiæ sti-
mulo impulsos, contra artem hanc
novam insurrecturos, eamque gra-
viter detracturos esse, licet ne no-
mine quidem tenus artem ipsam
salutaverint: Verum illis omni-
bus, si veritatem sectari desiderant,
ita satisfaciam, ut veritatem ip-
sam sinceram ac puram putam non
solum animo & intellectu perci-
piant, sed oculis etiam, ac ipsis quasi
manibus palpent, si modo quæcumq;
de insensibilis perspirationis ponde-
ratione,

AD LECTOREM.

ratione, deque ejus causis, de tempore, de commodis & incommodis, de excessu & defectu, de aëre, cibis, & potibus, & aliis sex rebus non naturalibus impediētibz, vel promoventibus perspirationem, & quęcunq; alia in hoc libro tradidi, ea ad rigorosę trutinę examen revocent.

Neque fastuoso supercilio hanc trutinam parvifaciant, vel contra præstantissimam artem inania sciorum more diblaterent, quippe eos non alio responso dignos putabo quam postica illa Persii sanna, qui Andabatarum more cecutientes veritatem mordicus perosi, non sese Eubęos solum, aut Cordubenses in percipiēda veritate, sed ineptissimos Aristarchos in reprehēdēda demonstrant.

In laudem

SANCTORIANÆ
ARTIS.

Carmen OCTAVII MENINI.

LEgi hunc aureolum tuum Li-
bellum,

SANCTORI, insolitæ repertor
Artis,

Lectō hoc aureolo tuo Libello,

Dixi protinus. Hic vel ipse Phœbus

Est certe, sobolesvè magna Phœbi

Ipsam qui Lachesi potis morari,

Ipsam qui potis est fugare Mortem.

At Tu Patria nostra, Cæsar ipse

Cui nomen dedit inclytum, superbi;

Tali pignore Læta, tali Alumno;

Falsò quem sibi vindicabat ISTER.

DOMINICI DE BONIS,
Medici & Philosophi
Veneti

TETRASTICHON

In laudem

NOVÆ ARTIS SANCTORIANÆ.

EST ars SANCTORII, qua men-
surare recessus.

*Nature monstrat, qua fugienda
docet.*

*Hanc adeas Lector, dubia producere
vitæ*

*Stamina si exoptas, statica scripta
legas.*

AD

A D

DETRACTATORES

Carmen

Anonymi Cujusdam.

Quo mage florentem conaris
pondere palmam

Deprimere, obnitens hoc mage
tollit onus.

Quo magis S A N C T O R I I tentas
convellere famam

Hoc magis ingenio crescit &
arte cluet,



A D

A D
S A N C T O R I U M
S A N C T O R I O ,
Medicorum Coryphæum .

O D E ,

N O N te filebo *Asclepiadum*
decus
Princeps statera nobilis, inclytum
Cui Pergamum, cui ter beata
Insula Cös, Arabesque debent.

Tu falsitatis nube recognita
Miro reformas ordine dogmata,
Artemque nugis involutam
Reddis Apollineam nitori.

Ignota Priscis viribus ingeni
Miracula rerum plurima detegis,
Solusque saperdum tot inter
Myriades sapiens videris.


Seculum

*Seculum beatum, cui novus oblit
Heraclides , cui mens veterum
omnium*

*Uni reviviscens nitescit
Archiatro sociata sacro.*

*Tu sava victor fata super sedens
Spernes sororum jura nocentium,
Famaque crebrescit perenni
Post cinerem , & tua busta no-
men .*

Ioannes Stephanus, M. Ph.



In

In Prima Sectione agitur de
ponderatione insensibilis
perspirationis. Fol. 1

In 2. De Aëre & Aquis. 39

In 3. De Cibo & Potu. 55

In 4. De Somno & Vigilia. 81

In 5. De Exercitio & Quiete.

99

In 6. De Venere. 108

In 7. De Animi affectibus.

119

In fine de responsione ad Sta-
ticomasticem. 130.

Apho-

A Phorismi qui continentur in
libro statica nostræ, aliquot jam
per annos in lucem edito, veritate com-
probantur ex usu istius selle.

Ex qua duo beneficia colligimus;
primum quanta quotidie fiat corporis
nostri perspiratio insensibilis; qua non
recte perpensa vana ferme redditur
Medicina; namque ob justo paucio-
rem vel largiorem perspirationem o-
mnes fere mala valetudines fieri solent.

Secundum in hac sella sedendo fa-
cile inter comedendum animadverti-
mus quando pervenimus ad debitam
cibi & potus quantitatem, ultra vel ci-
tra quam ledimur.


Sella accommodatur sicuti in hac
figura apparet in qua statera ad tigna
supra cenaculum in loco abdito est ap-
pensa, propter procures quia cubiculi
gratiam tollit ac propter in doctos qui-
bus omnia insolita videntur ridicula:
Sella vero digui interstitio à pavimen-
to elevata manet stabilis ne facile quas-
sari possit.

Dum

Dum igitur ob cibum ingestum ad debitum pondus & mensuram antea præscriptam devenimus, tunc statera extrema pars paululum attollitur; ac una sella illico paululum descendit: Hic descensus est ille qui statim admonet sedentem ad debitam ciborum quantitatem pervenisse.

Quenam vero ciborum salubrium quantitas seu pondus unicuique conveniat & quanta in singulis corporibus debeat esse perspiratio insensibilis quæ per sellam commode perpenditur, ex lib. nostro de statica

*Medicina quisque facile
intelliget.*









D E
P O N D E R A T I O N E
I N S E N S I B I L I S
P E R S P I R A T I O N I S .

S E C T I O P R I M A .

A P H O R I S M V S I .

SI quanta, & qualis oporteat, quotidie fieret additio eorum quæ deficiunt, & ablatio eorum quæ excedunt, sanitas amissa recuperaretur, & præsens semper conservaretur.

I I .

Si medicus, qui præest aliorum sanitati, sit solum capax additionis, & evacuationis sensibilis, & nesciat quanta quotidie illorum sit perspiratio

A ratio

ratio insensibilis, illos decipit, & non medetur.

III.

Ille solus, qui sciet quantum, & quando magis, vel minus corpus occultè perspirat, penetrabit quantum, & quando erit addendum, vel auferendum pro sanitate conservanda, & recuperanda.

IV.

Perspiratio insensibilis sola solet esse longe plenior, quam omnes sensibiles simul unitæ.

V.

Perspiratio insensibilis vel fit per poros corporis, quod est totum, transpirabile, & cutem tanquam nassam circumpositam habet, vel fit per respirationem per os factam, quæ unica die ad selibram circiter ascendere solet; hoc enim indicant guttæ in speculo, si ori apponatur.

Si

VI.

Si cibus, & potus unius diei sit ponderis octo librarum, transpiratio insensibilis ascendere solet ad quinque libras circiter.

VII.

Quantitas perspirationis insensibilis aliquam varietatem patitur pro varietate naturæ, regionis, temporis, ætatis, morborum, ciborum, & aliarum rerum non naturalium.

VIII.

Ex corpore mane ponderato antè, & post excretionem sensibilem, quanta fuerit nocturna perspiratio, & sensibilia excrementa, facillimè intelligitur.

IX.

Si corporis pondus plus solito augeri incipiat sine majori cibi, vel potus additione, vel sensibilium excrementorum retentione, facta est adiapneustia.

X.

In eadem salubritate corpus conservatur, quando ad idem pondus sine ulla insolita evacuatione sensibili regreditur: sin verò ad idem pondus per solito plenius lorium, vel secessum reducitur, incipit à pristina elongari salubritate.

XI.

Si ex staticis deprehendatur, impeditam esse perspirationem, diebus sequentibus vel succedet plenior perspiratio, vel aliqua evacuatio sensibilis plenior, vel cachexiæ vestigium, vel febris.

XII.

Non possunt stare simul multa perspiratio, & multa, solitoque major sensibilis evacuatio.

XIII.

Si quis plus justo sensibilibiter evacuat, minus justo perspirat.

Crassa

XIV.

Crassa excernere, meiere, vel sudare plus justo, & perspirare minus, malum.

XV.

Si corpus ad idem pondus quotidie revertatur, nulla facta mutatione in perspirabilium evacuatione, non indigebit crisi, sanumque conservabitur.

XVI.

Malæ qualitates introducuntur, dum corpus uno die est unius ponderis, altero alterius.

XVII.

Illud pondus est unicusque salubritatis norma, quo, dum acclivia ascendit, se solito leviores per-sentit.

XVIII.

A copia oriuntur malæ qualitates, sed non vice versa.

XIX.

Pondus, nec non copia minuitur, aut evacuatione crudi sensibilis, vel insensibilis, aut cocti sensibilis, vel insensibilis: hæc est salubris, illa tollit copiam, sed relinquit malam qualitatem.

XX.

Transpirationis insensibilis duæ sunt species: altera fit statim à somno, facta concoctione, & post hanc augentur vires; altera, in vigilia: & hæc elevatur à crudo succo, & ob hanc flaccescunt: fit enim cum majori, vel minori violentia, prout major, vel minor est vigiliæ motus.

XXI.

Perspiratio, quæ salubriter aufert è corpore multum, idque inutile pondus; non est quæ cum sudore fit, sed ille halitus invisibilis, qualis hyeme uno die naturali ad quinquaginta uncias, & ultra exhalare potest.

Invi-

XXII.

Invisibilis perspiratio fit visibilis, vel quando nutrimentum est nimium, vel quando calor languet, vel ob motum violentum.

XXIII.

Perspiratio insensibilis juncta cum sudore, mala: quia sudor fibrarum vires diminuit: dicitur aliquando bona, quia à majori malo divertit.

XXIV.

Quantò subtilior, & sine mado-
re est invisibilis perspiratio, tantò salubrior.

XXV.

Liquida omnia excrementa sunt graviora; fundum petunt: crassa sunt leviora, & innatant, qualia sunt fæces duræ, crassæ, sputamina, & alia id genus.

XXVI.

Liquida excrementa plus oneris,

data magnitudinis paritate, à corpore auferunt, quam dura, & consistentia.

XXVII.

Liquida quoq; cibaria sunt ponderosiora, & solida leviora: panis, caro levia; vinum, jusculum gravia. Tanti ponderis est vini cyathus, quanti unus integer panis mole ferè triplo major.

XXVIII.

Illa viventis conditio, dum sentitur corpus onerosum, quando non est, pejor est, quam illa, dum sentitur quando est.

XXIX.

Corporis viventis pondus est æquivocum: simul enim stare possunt, corpus esse solito onerosius, & se persentire leviolem, & versa vice, corpus scilicet esse factum solito levius, & se graviolem persentire.

Si

XXX.

Si hæc duo simul conspiraverint, alterum quod homo se ipso levio-rem sentiat, alterum quod revera non sit levior, indicabunt statum saluberrimum.

XXXI.

Corpus, quod acquirit minus pondus latitudinis suæ salubritatis, est peioris conditionis, quam illud, quod acquirit majus pondus suæ salubritatis.

XXXII.

Dum corpus ob animi, vel corporis motum redditur minoris ponderis, statim redditur minoris virtutis: quod non contingit, si reddatur minoris ponderis à somno post factam concoctionem.

XXXIII.

Si absque præcedenti violentia pondus fiat minus, & vires cadant, id accidit, quia non remittitur quantum amittitur.

XXXIV.

Tribus modis tantum animal fit debile, vel dum pondus corporis augetur, nulla facta virium resolutione: vel dum resolvuntur vires, eodem corporis pondere perseverante: vel dum vires, & pondus cadunt.

XXXV.

Lassitudo illa, quæ fit, dum corpus redditur minoris roboris, & minoris ponderis, est aliis periculosior: pondus enim est roboris species.

XXXVI.

Pondus corporis indit nobis robur, vel dum trahimus aliquid deorsum, vel dum utimur vectione, vertigine, vel pulsu.

XXXVII.

Senis robur sæpè à corporis pondere magis, quam à viribus dependet: vetus animal exigui ponderis
potest

potest diu vivere, sed non potest esse robustum.

XXXVIII.

Si à somno corpus redeat ad consuetum pondus absque omni sensu molestiæ, bonum; signum enim est perfectæ concoctionis: si verò cum molestia, malum.

XXXIX.

Corpus ob externa errata non labitur in morbum, nisi antea aliquod viscus habeat præparatum: præparatio hæc cognoscitur ex solito majori, seu minori pondere, non sine aliqua præcedenti molestia acquisito.

XL.

Natura, dum in perspirandi officio est impedita, incipit statim in multis deficere.

XLI.

Dum caput dolore gravatur,

A 6

statim

statim corpus incipit minus perspirare, & ponderosius reddi.

XLII.

Prima morborum semina tutius cognoscuntur ex alteratione insolitæ perspirationis, quam ex læsis officiis.

XLIII.

Si ex ponderatione videris consuetum perspirabile retineri, & sudorem, vel lorium post aliquot dies non facessere, inde cognosces, retentum prænuntiare futuram putredinem.

XLIV.

Si verò ex ponderatione videris ob causam violentam perspirabile plus solito evolasse, scias in locum perspirabilium violenter evacuatorum statim confluere cruda, & in meatibus minimis impingi.

XLV.

Quæ impinguntur, si fieri possint
secun-

Secundum omnes partes fluxilia, seu perspirabilia, bonum. sin minus, pars continens prius fit dura, corii-que specimen referens, & deinde scirrhusa.

XLVI.

Si perspirabile neque à natura, neque à calore febrili resolveretur, corpus illicò ad malignam febrem præpararetur.

XLVII.

Febricitantes in peius æquè incidunt, si à medico imperito medicamentis importunè exhibitis illorum perspiratio divertatur, ac si ab erratis ægrotantium.

XLVIII.

Cassie pauxillum non divertit perspirationem, non lædit vires, sed solum aufert è corpore inutile pondus: aliæ verò medicinæ magis evacuant, & remotiores partes attingunt, & corpus magis leve efficiunt: cibis

14 *De Ponderatione*,
cibustamen, & potus subsequens
implent evacuos meatus, inde
alvus, & vesica exiccantur; & pau-
lò post corpus sæpè ponderosius
redditur.

XLIX.

Quilibet corporis dolor, sive la-
bor cocti perspirabilis transitum
impedit.

L.

Quodvis frigus minimum qui-
dem, quod noctu dormiendo pati-
mur, impedit perspirationem.

LI.

Una ex frequentioribus causis,
quæ tempore æstivo impedit tran-
spirationem, est crebra in lecto cor-
poris agitatio.

LII.

Tres sunt internæ causæ prohi-
bitæ perspirationis, occupatio na-
turæ, diversio, & vires imbecilles.

Hinc

L I I I.

Hinc ex staticis patet in die medicinæ, & ab assumpto cibo trium horarum spatio, exiguam fieri perspirationem : in die medicinæ intenta est natura evacuationi sensibili : ab assumpto cibo primæ concoctioni.

L I V.

In fluxu, & vomitu prohibetur perspiratio, quia divertitur.

L V.

Amictus valdè onerosi sunt impedimento perspirationi, quia vires debilitant.

L V I.

Non qualibet hora corpus eodem modo perspirat, quia ab assumpto cibo quinque horis libram circiter perspirabilis magna ex parte exhalare solet, à quinta ad duodecimam tres libras circiter, à duodecima ad decimam sextam (quo
tem-

tempore occasio est alendi, vel medicandi) vix selibram .

L V I I.

Qui nutritur , vel medicamentis evacuatur horis majoris perspirationis, quales sunt ut plurimum matutinæ, maximè læditur , quia à cibo , & à medicamento maximè divertitur perspiratio.

L V I I I.

Magis occulta , & insensibilis perspiratio nos subleuat , quam omnes sensibiles simul unitæ; à somno enim ante excretionem sensibilibus excrementorum quisque sentit se leviolem , quia revera factus est levior solito tribus libris circiter .

L I X.

Spacio unius noctis sexdecim uncia lotii plus minusve : quatuor coctorum excrementorum per alvum , quadraginta & ultra per occul-

occultam perspirationem evacuari
ut plurimum solent.

L X.

Pluribus unica die naturali per
insensibilem perspirationem, tan-
tum evacuatur, quantum per alvum
quindecim dierum cursu.

L X I.

Ut quid nostratum plurimi in
omni ægritudine solum per alvum,
vel per urinam evacuandum sibi
proponunt, & de insensibili perspi-
ratione vix cogitant?

L X I I.

Si magis solito noctu perspira-
veris, sed sine sudore, atque omni
molestia, persuasum te habeas de
optima valetudine.

L X I I I.

Tunc quam maximè recedimus à
morbo, quando pervenimus ad me-
dium latitudinis ponderis salubris,
non ob evacuationem sensibilem
spon-

spontaneam, vel à medico factam, vel ob jejunium, sed ob perspirationem insensibilem, quæ fit à somno post optimam coctionem.

LXIV.

Quanta conveniat perspiratio cuilibet, ut conservetur, in statu saluberrimo; sic dignosces. Observa manè post aliquam pleniorē cœnam illam majorem perspirationem, quæ in te ipso duodecim horarum spatio fieri possit: esto esse quinquaginta uncias: alio manè, sed post jejunium, hac tamen lege, ne in prandio præteritæ diei excesseris, idem observa; ponamus esse viginti; hoc præcognito, eligas illam cibi, & aliarum causarum non naturalium moderationem, quæ te ad medium inter quinquaginta & viginti quotidie ducere poterit; medium erit triginta quinque unciarum; hoc modo sanissimam, & diu-

diutissimam seu centum annorum vitam duces.

L X V.

Corpora quoque virorum sana & moderatissimo victu utentia singulis mensibus fiunt solito ponderosiora, unius scilicet duarumve librarum pondere, & redeunt ad consuetum pondus circa finem mensis, ad instar mulierum, sed facta crisi per urinam paulò copiosiore, vel turbidiore.

L X V I.

Ante dictam crisin menstrualem à somno factam, vel gravitas capitis, vel corporis lassitudo persentitur, & deinde paulò copiosiori urina evacuata omnia sedantur.

L X V I I.

Causæ externæ, quæ prohibere solent perspirationem, sunt aër frigidus, cænosus, & humidus: natiuitio in frigida, cibi crassi, & viscidii;
inter-

intermissio exercitii corporis , vel animi ; & in robustis nimia abstinencia à coitu.

LXVIII.

Frigus externum prohibet perspirationem in debili, quia ejus calor dissipatur : in robusto verò auget : calor enim ad imum retrahitur, duplicatur , & deinde natura roboratur, quæ deinde retenti perspirabilis pondus è vestigio absumit , & corpus fit & sentitur levius.

LXIX.

Stabilior , & diuturnior est sanitas illius corporis , cujus pondus multorum annorum cursu neque augetur , neque minuitur , quam cujus pondus annuatim variatur.

LXX.

Reditus ad consuetam gravitatem crudorum succorum additamento est malus : coctorum verò est saluberrimus.

Sanum

L X X I.

Sanum fieri minoris ponderis solito, eadem supposita vivendi ratione, malum; amissum enim quod erat salubre non est remissum.

L X X I I.

Excrementa alvi concocta sunt multæ molis, sed exigui ponderis: supernatant ob ærem inclusum, & quæ una vice excernuntur, nunquam libræ trientem excedunt.

L X X I I I.

Si unica die ob aliquod erratum libra perspirationis retineatur, natura triduo solita est illud retentum insensibiliter expurgare.

L X X I V.

Tunc natura multum insensibiliter evacuat, cum per oscitationes, & artuum extensiones retentum perspirabile excernere conatur.

Per-

L X X V.

Perspirabile habet duas partes, levem scilicet, & ponderosam.

L X X V I.

Ponderosa pars adeò affluit, ut ex ipsa generentur animalia, ut cimices, pediculi, & alia id genus.

L X X V I I.

A parte perspirationis ponderosiorē contagiosæ infectiones uncubantium proveniunt: leve enim evolat: ponderosum verò adhærens coinquinat.

L X X V I I I.

Quibus aliquid perspirabilis in vehementissimis caloribus æstivis exhalare prohibetur, calor est molestus: quibus verò perspiratio omni ex parte est libera, calor non molestus.

Dis-

L X X I X.

Differt majus pondus à minori æquè salubri, quia majus plus accelerat senectutem : esto aliquem frui valetudine cum pondere ducentorum pondo æque ac cum ducentis quinque : observavimus excessum illorum quinque magis accelerare senectutem.

L X X X.

Caro animata cur vivit & non putrescit ut mortua ? quia quotidie renovatur. Cur pueri diutius quam senes vivere possunt ? Quia sæpius possunt renovari, incipientes ab infimo totius latitudinis pondere usque ad ultimum : sunt enim plurimorum salubrium ponderum capaces. Senes cur necessariò moriuntur ? quia solum ultimorum ponderum sunt capaces. sed cur solum illorum ? quia fibræ illorum sunt duræ, & ut tales, non possunt amplius renovari ; unde mors.

Qui

L X X X I.

Qui ægritudine pernicioſa cor-
ripiuntur, cur ſanantur? quia mul-
torum ponderum ſalubrium ſunt
capaces; à corporibus enim ægri-
tudines triginta libras auferunt plus
minúsve, prout corpora magis vel
minus repleta ſunt, & prout ægri-
tudo magis vel minus calida, &
longa exiſtit.

Additi ab Auctore.

L X X X I I.

Senes ob frequentia ſputamina
vitam protrahunt: retenta ut inca-
pacia coctionis vel digeſtionis im-
pediunt perſpirationem: unde ſuf-
focatio & mors.

L X X X I I I.

Senectus revera eſt ægritudo, ſed
diu protrahitur, ſi corpus reddatur
perſpirabile.

In-

L X X X I V.

Interimunt senes coitus, corporis actualis frigiditas, Potio plus justo; Cænare ut juvenes, plus debito irasci: & exerceri.

L X X X V.

Senes ætatem decrepitam non attingunt ob diminutas expultrices: Hinc dum plus solito bibunt minus meunt, & minus solito perspirant. Remedio est ut ablatio exæquet additioni.

L X X X V I.

Perspiratio insensibilis non solum principum, sed unius partis infimæ omnino vetita vitam tollit. Principum dum in cerebro fit apoplexia, in corde palpitatio in jecore polyæmia, & in utero præfoecatio: Infimæ partis gangræna.

L X X X V I I.

Dum suffocantur mulieres, non

B

fit

26 *De Ponderatione,*

fit ob uterum comprimentem septum, sed à frigiditate seminis corrupti non indigentis perspiratione.

L X X X V I I I.

Humores podagricorum, etiam si crassissimi sint, solum per modum vaporis resolvuntur.

L X X X I X.

Vomitur urinam, & perspirationem divertit.

L X X X X.

Corporis in lecto frequens circumvolutio, cum fiat omnium musculorum inruentu enervat, & coctionem & perspirationem utilem diminuit, Remedio est in eodem situ obstinatè quiescere.

L X X X X I.

Dum genua actu calida conservantur, non algent pedes, noctu benè dormiunt, magis perspirant, & minus mejuunt.

Pro-

L X X X I I.

Profluvium alvi tollitur ij, quæ perspirationem augent, sicuti est Balneum.

L X X X X I I I.

Sicuti magnes cum multo ferro, & vinum in magno dolio melius conservatur quam in doliolo. Sic corpora ponderosiora salubria magis robur conservant, quam cedentia à pondere per inediam.

L X X X X I V.

Qui plus mejunt, quam bibant param, vel nihil perspirant.

L X X X X V.

In febribus intermittentibus cur perspiratio insensibilis prohibetur? quia humor peccans est in ambitu corporis.

L X X X X V I.

In hydrope non resolvitur aqua abdominis, quia ejus siccitas, &

durities impediunt perspirationem.

L X X X V I I.

Humores calidi cum fluxi in aliquam partem calidis digerentibus tractantur, ut per insensibilem perspirationem resolvantur.

L X X X X V I I I.

In magnis febribus cur lipothimia juvat? quia sudorem & validam perspirationem facit.

L X X X X I X.

Punctura nervi, si lacte, farina, vel simili claudatur, hicor retentus ita acris fit, ut moriantur convulsi, nisi oleo aperiatur vulnus.

C.

In tumoribus perspiratio utilis, si fiat humidis actu, & potentia; secus in scyrrhum cedunt, tenue resoluendo & crassum relinquendo.

C I.

Pars corporis ut repleta sanguine,

ne, vel alio humore, ut in tumoribus, & in ipsa pleuritide non est refrigeranda: quia evacuata materia spontè refrigeratur.

C II.

Hypocondraici, si frequentibus balneis eorum corpora reddantur perspirabilia, & victu humido utantur; sani fiunt.

C III.

Perspiratio insensibilis facta per fomenta in non purgato corpore plus attrahit, quam resolvat, ut de Simone.

C IV.

Corpora quæ insensibiliter multum perspirant, neque purgantur: neque phlebotomantur, ut patet de pueris.

C V.

Peticulæ cur fiunt? quia maligni hiecoris perspiratio impeditur.

C V I.

Gangræna iis, quæ perspirant prohibetur: iis quæ suppurant, fit sfacellus.

C V I I.

Pars gangræna affecta cur moritur: quia arteriolæ ob sanguinis copiam non attolluntur. remedio est evacuatio sensibilis, & insensibilis.

C V I I I.

Crassissimi humores in robustis per angustissimas vias tranant, ut patet de pinguedine per urinam: de mulsa injecta in pectus vulneratum: ergo per insensibiles meatus.

C I X.

Per distensionem evacuatur materia utilis, & inutilis: si verò post somnum aquirantur vires, plurimum inutilis.

C X.

Distlatio, quæ effugit sensum, est

na-

turalis, & indicat, robur, è contra verò sudor.

CXI.

Si corporis pars hyeme valde frigescat, ita totum corpus consentit, ut coctio, & totius perspiratio minor fiat.

CXII.

Natatio vesperi tutior: manè ab aqua frigidiori meatus clauduntur, unde febris periculum.

CXIII.

In æstate si corpus jaceat detectum, prohibetur perspiratio: Unde capitis gravitas, & corporis confractio.

CXIV.

Dum quinque, vel sex dierum cursu corporis pondus augetur, non statim, sed paulatim est tollendum: inedia enim summè regida lædit ventriculum, cerebrum, & cor, mox totum corpus.

CXV.

In autumno augetur corporis pondus, quod si excedat salubrem latitudinem, fiunt tertianæ, seu aliæ putridæ.

CXVI.

Extrema frigida in acuta febre, nisi incalescant lethalia ob adiapneustiam.

CXVII.

Nihil magis nocet ulceribus malignis, quam quæ prohibent perspiratum, ut adeps, oleum, & cera.

CXVIII.

Quotidiana sola ex intermittentibus non caret periculo, pituita enim in prohibendo perspirationem primum locum tenet.

CXIX.

Constipata perspiratione in ceruice stupefcit sensus pericranei; ut de patio ambulantis sub vento & pluvia.

Nihil

CXX.

Nihil magis putredinem tollit, quam larga ventilatio, non solum per inspiratum; sed etiam per meatus insensibiles facta.

CXXI.

Refrigerationes in morbis acutis indicant mortem, ut in Herocrate: adimunt enim perspirationem.

CXXII.

Post balneum, oleo meatus cutis condensantur, hoc fine, ne humiditas alimentalis attracta resolvatur. ergo oleum claudet in periculis, & non aperiet poros.

CXXIII.

Ea tamen victus ratio, quam quotidie minus perpendimus, pellit nos ad senium Philippi.

CXXIV.

Diaphragma contrahendo se ad
B. 5. suum

34. *De Ponderatione,*

suum principium dilatat thoracem, dilatando fit inspiratio; se laxando constringit, & constringendo fit expiratio.

C X X V.

Sphincter verò contrahendo se ad suum principium constringit vesicam, & urinam continet; Se laxando dilatat, & eam reddit,

De Peste.

C X X V I.

Res peste infectæ inficiunt quousque durant proximæ, & remotæ causæ: unica tamen deficiente cessat virus ad instar motus horologii, dum rotarum unico irritō dente quiescit.

C X X V I I.

Peste non tactu, sed inspiratu aëris pestiferi, vel halitus supellectilium inficimur: Sic fit: spiritus vitalis ex aëre inficitur ab infecto
spiritu.

spiritu congelatur sanguis , qui extrapul-
sus carbones , nigras papulas,
& Bubones, si manet intus , mor-
tem : si totus pellitur ad extra , eva-
dimus.

C X X V I I I.

Si ad carbones & Bubones tota
pestis pellatur , bonum : Si minus
læthale.

C X X I X.

Non sponte inficimur peste, sed
fertur ab aliis . Patet experimento
monialium.

C X X X.

Non omnes, sed tertia hominum
pars circiter peste moriuntur. Patet
experimento Vespilionum.

C X X X I.

Qui putant nigrorem papularum
& carbonum indicare adustionem
errant sæpè enim senes intus, &
extra frigidi citra febrem inter bi-

36 *De Ponderatione*,
dum cum eodē nigrore à throm-
bo profecto decedunt.

C X X X I I .

Si paucus sanguis ob corruptum
Spiritus vitalem fit thrombus, hic
si totus expurgetur per bubones &
carbones sanantur, si non totus
moriuntur, ut in nigris papulis.

C X X X I I I .

Hinc quibus anthraces & Bubo-
nes aperiuntur, si interna infectio
tota exeat sanantur: si minus, mo-
riuntur.

C X X X I V .

Modus frænandi peste duplex:
ut sani separentur, & infecti se pan-
dant: modus ut se pandant, du-
plex, ut ad loca illis invisa non mit-
tantur: & illorum suppelex non
uratur.

C X X X V .

Peste inficiuntur facile rarum
habentes pulmonem; è contra qui
densum. Rarum habent si facto
maxi-

maximo inspiratu unicus pus-
ictus fiat quietior.

CXXXVI.

Pestis non est ut ignis, qui auge-
scente pabulo crescit: ipsa verò eo-
dem modo pabulo se habente de-
crescit.

CXXXVII.

Radii pestis vento loco dimoven-
tur: corporis lucidi nulla vi.

CXXXVIII.

Qui aliud remedium pro vitan-
da peste instituunt, quam fugam,
vel sunt homines ignorantes, vel vo-
lunt ærrescere.

CXXXIX.

Hinc nobilium ferè nemo cum
remediis: plebei verò sine iis plu-
res sanantur.

CXL.

Cur diu durat pestis?

Quia dum sævit purgant res in-
fectas,

fectas, quas purgando fures clam disseminant : post finitam pestem non inficiunt ; secus pestis esset perpetua.

Quia infecti, dum vi mittuntur extra urbem, alii non se pandunt : unde infectio crescit.

Quia non prohibent populi cursum ad templa. Sub dio facta essent exercenda.

Quia eligunt chirurgos externos, quibus, quo major pestis, eo gravior.

Quia ab infectis non separant sanos in aliam domum.

Quia utuntur remedio interno pro peste, cum nullum detur, quod non noceat.

Quia permittunt mercatum pulorum, quos tangunt infecti, dein sani eosdem tangentes inficiuntur.



D E

AERE, ET AQUIS.

SECTIO SECVNDA.

APHORISMVS I.

AER frigidus, & lavacra frigida corpora robusta calefaciunt, eaque auferendo superfluum reddunt leviora, debilia refrigerant, eaque vincendo calorem ponderosiora efficiunt.

II.

Aër calidus, & lavacra actu calida. nisi obstant cruda, juvant quoque perspirationem, refrigerant interna viscera, & corpora efficiunt leviora.

III.

Aër externus per arterias in profundum

fundum corporis penetrans potest reddere corpus levius, & gravius: levius si tenuis, & calidus: gravius, si crassus, & humidus sit.

I V.

Quanta sit aëris ponderositas, colligitur primo ex majori, vel minori gravitate aluminis facum, prius exiccati in sole, & deinde aëri nocturno exposui. Secundo ex eo quia sentiamus majus frigus, quam quod observetur in instrumento temperamentorum: aëris enim humiditas, seu ponderositas nobis est lima frigiditatis. Tertio ex majori, vel minori incurvatione tabulae subtilissimæ præcipuè ex piro. Quarto ex contractione cordarum testudinum, vel ex cannabe.

V.

Quantæ sit aquæ ponderositas, facile intelligitur, si grave perpendatur in aqua; illa enim est levior,
& per

& per consequens salubrior, in qua grave magis gravitat: illa verò, in qua minus, est ponderosior, & insalubrior.

V I.

Aqua gravior, & aër cænosior, & ponderosior convertunt invisibilem perspirationem in ichorem, qui retentus, & deinde non resolutus magna ex parte noachexiam facessere solet.

V I I.

In aëre frigido salubri prohibetur quoque perspiratio, densantur meatus, sed roborantur fibræ, & perspirabilis retenti pondus nec lædit, nec sentitur.

V I I I.

In cænofo prohibetur perspiratio, meatus implentur, sed non densantur, fibræ laxantur, non roborantur, & pondus perspirabilis retenti lædit, & sentitur.

Si

Si aëri æstivo frigus superveniat, illa die, supposita eadem bibendi libertate, tertiam partem circiter perspirationis exire prohibet, quæ nisi fiat sensibilis, facile ad putredinem, vel ad cachexiam disponit.

X.

Prohibita perspiratio facta ab improvisa frigiditate magis nocet debilibus, quam à sensim prohibita.

X I.

Ob aërem frigidum supervenientem calori, vestibus denudatus, minus duabus libris circiter diei cursu perspirare solet, nulla ab ipso animadversa molestia.

X I I.

Aura jucunda, & frigidiuscula corporibus excalefactis magis nocet, quam aëris, vel aquæ frigus in excessu: illa enim non reddit corpus

pus levius, sed obstruit, & laxat :
hoc obstruit, & roborat, & inde
minus ponderosa corpora fiunt.

X I I I.

Mala aëris, & aquæ conditiones
quando ad malignam putredinem
disponunt, eorum pondus magna
ex parte non animadvertitur; quasi
quod ab eorum corruptela nervi
fortiores fiant, perinde ac in phre-
neticis.

X I V.

Natatio infrigida post exercitium
violentum est jucundissima, sed
mortifera: moribus enim oppositis
nihil perniciosius.

X V.

Quod proditoriè disponit visce-
ra ad malum, sæpè nec grave, nec
injucundum videtur.

X V I.

Aura jucunda, & austrina cum
exercitio violento sæpe mortifera :
ab

44 *De Aëre & Aquâ,*
ab aura enim adiapneustia, ab exercitio acrimonia.

XVII.

Qui quærunt à cœna auram frigidiusculam magis quam par sit, perspirabile partis veste non induta exire prohibetur: nocte verò vel die postero plurimi solent pati dolorem capitis gravativum.

XVIII.

Si corpora derepentè transferantur ab aëre calido in frigidum, læduntur; quia redduntur majoris ponderis, quam par sit; à frigido in calidum læduntur, quia fiunt minoris roboris.

XIX.

Debiles magis hyeme, robusti æstate perspirabile retentum in urinam convertunt.

XX.

Ventilabrum prohibet perspirationem,

tionem, reddit caput ponderosius,
& calidius.

XXI.

Ventus ut cute frigidior semper
obstruit, & semper lædit, sed magis
caput, quia magis exponitur.

XXII.

Ex anni tempestatibus in univer-
sum siccitates assiduis imbribus sa-
lubriores, reddunt enim corpora
leviora.

XXIII.

Æstate corpora temperata sunt
minoris ponderis, quam hyeme
tribus libris circiter.

XXIV.

Æstate lassitudo sentitur, non
quia corpus sit majoris ponderis:
sed quia sit minoris roboris.

XXV.

In aëre calido corpus est minoris
roboris, tum quia cum perspira-
tione

46 *De Aëri & Aquis,*
tione exhalat aliquid bonorum spirituum, tum quia calor non est concentratus.

XXVI.

Per totam cutim digeritur semper aliquid à calido, quod secum etiam aliquid interni probi humoris aufert.

XXVII.

Æstate calore vexamur, non primò & per se propter aëris caliditatem, quælibet enim corporis pars est aëre æstivo calidior, sed quia in aëre æstivo non est tanta frigiditas, ut naturalis calor sufficienter concentretur, quo fit, ut ita diffusius minus possit perspirabile sua natura calidum insensibiliter excernere; quod retentum redditur acre, & est in causa, ut magno vexemur calore.

XXVIII.

Dum corporæ in summo æstu
ob

ob somnum nocturnum, vel diurnum abunde perspirant, vel sudant, redduntur leviora, & nullo illa die vexantur calore.

XXIX.

Æstivo calori superveniente frigore eodem die libra circiter excrementorum insensibilium magna ex parte diffilari prohibetur.

XXX.

Si æstas fiat similis veri, ut corpora reducantur ad pondus æstati debitum, excitantur sudores,

XXXI.

In æstatis initio, si derepente vehemens æstus superveniat, fiunt lassitudines, quæ, licet post aliquot dies æstus magis urgeat, non perseverant, quia minuitur corporis perspirabilis pondus.

XXXII.

Eadem virtus minus laborat cum
minori,

minori, quam cum majori corporis pondere.

X X X I I I.

Perspiratio vi aeris, vel aquæ calidæ excitata nocet, nisi ejus malificium longè majori beneficio compensetur.

X X X I V.

Æstate interdiu: hyeme noctu corpora robusta magis perspirant.

X X X V.

Adiapneustia, quæ æstate malignam febrem, hyeme vix minimam alterationem efficere potest: corpora enim acriori perspirabili æstate referta sunt quàm hyeme.

X X X V I.

Dormitio æstiva detecto corpore, vel sub dio magna ex parte disponit ad putredinem, prohibendo perspirationem.

X X X V I I.

Adiapneustia non calefacit interna viscera

viscera , nisi perspirabile fiat acre ob moram , vel à calore extraneo , vel à motu violento.

XXXVIII.

Dum frigus supervenit calori æstivo , nimii coitus noxa vix percipitur , si verò aer iterum incalescat , detrimentum præteriti erroris non leve sentitur.

XXXIX.

Coitus non immoderati maleficium. aere frigido concentrante calore m., æquali beneficio compensari solet.

XI.

In noctibus æstivis corpora ad febrem maxime disponuntur ob aeris varietatem , ineunte enim nocte aer est accensus : intempesta verò nocte est temperantior , in aurora frigidus , undè solitum perspirabile in correptis sumnis & stragulis denudatis cohibetur , & corpora

C ponde-

50 *De Aëre & Aquis,*
ponderosiora sunt, quod noctibus
hyemalibus non evenit.

X L I.

Ab æquinoctio autumnali ad sol-
stitium hyemale qualibet die minus
libram circiter perspiramus, inde
usque ad æquinoctium vernale in-
cipimus liberius perspirare.

X L I I.

Autumnus insalubris. tum quia
perspiratio à superveniente frigo è
prohiberi solet, tum quia quod dif-
flari prohibetur, acre, & mordax
fit.

X L I I I.

Vitantur ægritudines automna-
les, si corpus autumnno non fiat
majoris ponderis, quam dum erat
æstate.

X L I V.

Pondus sensim auctum sensim
minuendum.

Pondus

X L V.

Pondus corporis insolitum, non vere, sed autumnno auferendum: frigidum enim superveniens ponderi magis nocet.

X L V I.

Nulla autumnno vexaberis ægritudine, si superveniens frigus inveniet te vestibus rectè munitum, si uteris diureticis, & conservaberis in eodem pondere, ut ante.

X L V I I.

Bene munitus vestibus melius perspirat, & redditur minoris ponderis.

X L V I I I.

Qui morbis ab humorum copia prodeuntibus hyeme vexari sunt soliti, purgandi sunt autumnno, & non vere, reducendique sunt ad pondus, quo fruebantur æstatis initio.

XLIX.

Dum vero morbi prodeunt à mala qualitate, corpora vere, & non autumno purganda; magis enim æstate, quam hyeme intenditur qualitatis malitia.

L.

Qui in fine veris præmaturè se vestibus spoliant, & autumno tardè induunt, in febres æstate, in destillationes hyeme facile incidunt.

LI.

Perspirabile retentum ut acre febres, & erysipelata: ut copiosum apostemata, destillationes, vel cachexiam facit:

LII.

Externum frigus concentrando calorem reddit naturam tantò robustiorem, quantò ultra solitum pondus ferre quoque possit duas libras circiter retenti perspirabilis.

Cor-

LIII.

Corpora hyemis initio facile ad solitum pondus, æstatis initio magno labore ad æstivum pondus reducuntur.

LIV.

Sanitas perseveraret usque ad extremam senectam inculpata, si corpora quattuor anni temporibus æquali pondere semper conservarentur.

LV.

Corpora, quorum pondera anni cursu multum augentur, & diminuantur, valdè periclitantur.

LVI.

Quantò major anni spatium est ponderis varietas, augmentatio sanguinis vel diminutio, tantò est deterior illius corporis conditio.

LVII.

Ponderis augmentatio fit in

principio autumni, diminutio in principio æstatis.

L V I I I.

Corpora, quorum pondus auge-
tur, magis periclitantur, quam
quorum pondus minuitur.

Additi ab Auctore.

L I X.

Corporis partes rectæ salubriter
perspirant: Si verò à somno detectæ
inveniantur, etiam ab aëre calidif-
simo eorum pori condensantur.

L X.

Aër plus justo frigidus, humidus,
aut ventosus moratur perspiratum:
unde qui domi continentur, ut fæ-
minæ, nec tussi, nec catharro, nec
inflammatione pulmonis laborant.

I X L I.

Aër in urbe pejor aëre ruris: quia
crassior, & non perflatus appetitum
tollit.



D E
CIBO, ET POTV.

S E C T I O T E R T I A.

A P H O R I S M V S I.

S Tomachus cibo refertus si inter dormiendum absolvat primam coctionem, illius noctis perspiratio magna ex parte ascendit ad quadraginta uncias si non absolvat, ad octodecim circiter.

I I.

Stomachus omnino vacuus, & jejunos, licet dormiat non perspirat ultra 18. uncias circiter.

I I I.

Tantum perspirat corpus plenum

C 4

non

non concoquens , quantum ferè
jejunus non habens quod conco-
quat.

I V..

Cibi multum nutrientes, excepta
carne vervecina , à cæna ad pran-
dium non solent perspirare ultrà
octodecim uncias.

V.

Cibi copiosi sed tenuis nutri-
menti noctis spatio in plurimis ul-
trà quadraginta uncias perspirare
possunt.

V I.

Alimenta , quæ corpora conser-
vant gravia, sunt copiosa, vel ciuda
rebellia.

V I I.

Quæ conservant levia, sunt con-
sucta, & vaporosa.

V I I I.

Caro vervecina facilè coquitur,
& est vaporosa : perspirat enim
noctis

noctis spatio trientem libræ magis,
quam cætera, solitaque edulia.

IX.

Quæ ex pasta fermentata fiunt
esculenta, non efficiunt corpora
ponderosa, longè enim facilius per-
spirant, quam rapæ.

X.

Vir sanus occultè diei cursu tan-
tum exhalat, quantum per alvum
dimidio mensis, licet quotidie co-
ctas tamen, & consistentes fæces se-
mel excernat.

XI.

Stomachus plenus, & vacuus
minuunt perspirationem: plenus
eam divertit per ciborum corru-
ptelam, vacuos eam trahit, ut im-
pleatur.

XII.

Plenus, quando non absolvit
coctionem, ex pondere cognosci-

C 5

tur:

tur: corpus enim tunc minus perspirat: vacuus vero flatibus impletur.

X I I I.

Flatus nil aliud est, quam rude quoddam perspirabile.

X I V.

Robustus ciborum plenitudinem absorbit per insensibilem perspirationem: minus robustus per urinam: debilis magna ex parte per chyli corruptionem.

X V.

Dum omittitur cæna, vacuo existente ventriculo nulloque urgente paroxysmo, retinetur perspirabile, & retentum fit acre, inde corpus ad calidas ægritudines præparatur.

X V I.

Jejunium, quod re ducit corpora ad minus pondus, sed corporibus insolitum, malum.

X V I I.

Cur sint qui fame pereant : si in vivo sanguis nunquam deficiat? quia versus ventris vacuum sanguis tendens relinquit cor.

X V I I I.

Non solum incoctus cibus , ut quantus reddit corpus ponderosius, sed etiam ut qualis , quatenus scilicet perspirationem impedit.

X I X.

Dum levior semetipso quis videatur factus, & non sit, valde bonum : id enim oritur à succis trium coctionum exactè coctis.

X X.

Dum tota die perſentitur levitas, & corporis agilitas , præcessit chyli, & sanguinis coctio , & penitus exhalaverunt tertiæ coctionis recrementa.

X X I.

Cibus incoctus , quò plenioris

est nutrimenti, eò est deterior, vel quia efficit majus pondus, vel deteriore corruptelam.

XXII.

Corpus maximè leve fit ex ciborum corruptela: liquida enim excrementa omnia magni ponderis.

XXIII.

Ufus carnis suillæ, & boletorum malus, tum quia hæc non perspirant, tum quia non permittunt cætera edulia simul ingesta perspirare.

XXIV.

Ex usu carnis suillæ, & boletorum triente minùs solito corpus magna ex parte perspirat.

XXV.

Melones adeò pauxillum perspirant, ut quadrantem circiter auferant perspirationis consuetæ.

Re-

XXVI.

Retenta illorum perspiratio in urinam, vel sudorem facessere solet.

XXVII.

Uvæ, & ficus recentes pauxillum perspirant, & aliquantulum aliorum ciborum perspirationem impediunt, fortassè quia sensibilibus evacuantur.

XXVIII.

Illud genus edulii optimè perspirat, & commodè nutrit, cujus pondus in ventre non sentitur.

XXIX.

Ciborum plenitudo magis nocet in otioso, quam exercitato: viscera enim illis gravantur quiete, exercitio verò liberantur pondere.

XXX.

Ab eo cibo corpus optimè perspirat, cujus fæces exeunt consistentes.

Minus

XXXI.

Minus quam lactuca nutriet caro pulli, si de carne ea copia edatur. ut in liquidarum facum corruptellam exeat.

XXXII.

Ex ponderatione noveris, quando jejunium sit salubre, vel insalubre: erit salubre, si aliquid relinquebatur de hesterno edulio perspirandum, sin minus, insalubre.

XXXIII.

Dum per diætam corpus reducit ad pondus minus suo salubri minori, quod ammittit de robore est irreparabile: quod verò detur minus, & majus salubre pondus, ex 64 primi, & ex 40 hujus intelliges.

XXXIV.

Si sciveris quotidie, quantum cibi tibi conveniat, scies diutissimè virtutem, & vitam conservare, idque

idque ex eodem aphorismo intelliges.

XXXV.

Naturæ robur non parum absumitur, dum cæna modò est quatuor, modò sex librarum.

XXXVI.

Illa cibi quantitas est saluberrima, dum à cibo corpus suis negotiis eadem agilitate vacat, ac si esset jejunum.

XXXVII.

Magis quoque gravatur ab octo libris cibi semel in die comestis, quam à decem tribus vicibus unica die assumptis.

XXXVIII.

Illa cibi quantitas est unicuique saluberrima, quæ sine molestia potest à virtute concoctrice vinci, vincitur, si quantum ingeratur, tantum absumatur: hæc enim ex ponderatione dignoscuntur.

Illa

XXXIX.

Illa cibi copia est ingerenda ,
quam natura potest coquere, dige-
rere, & perspirare.

XL.

Si natura posset digerere cen-
tum libras edulii, & exporrigeren-
tur nonaginta novem, animal pro-
pterea cursu temporis destrueretur.

XLI.

Tunc cibi boni succi diutissimam
sanitatem tibi promittent, quando
perspirationis quantitas medium,
obtinebit locum inter excessum, &
defectum: excessus post plenam cæ-
nam ciborum maxime perspirabi-
lium noctis spatio magnâ ex parte
solet esse quadraginta unciarum cir-
citer, defectus quattuor decim: ille
igitur cibi usus, qui te ad viginti
duas uncias, quæ est medietas, trans-
feret,

feret, certissimam sanitatem, & longævitatē pollicebitur.

X L I I.

Celsi sententia non est omnibus tuta, usu scilicet sex rerum non naturalium modo parcos, modo nimios esse debere.

X L I I I.

Corpora minori molestia reducuntur ad consuetum pondus, si assumant quattuor ciborum libras in prandio, & quattuor in cæna distanti, ut par sit, quam sex in prandio, & duas in cæna.

X L I V.

Seipsum sensim destruit qui semel in die præter consuetudinem comedit, comedat parum, vel multum.

X L V.

Corpus magis ponderosum reddetur quattuor unciiis cibi multi nutrimenti, qualis est caro porcina,
an-

anguillæ, & pinguia omnia, quam sex unciiis cibi pauci nutrimenti, ut sunt pisciculi, pulii, aviculæ, & alia id genus.

X L V I.

Cibus pauci nutrimenti si difficulter coquatur, id accidet solum in prima coctione, multi nutrimenti in omnibus.

X L V I I.

Cibus exigui nutrimenti humectat. & lenit alvum, citò digeritur, & perspirationem dormientium, & vigilantium facile juvat.

X L V I I I.

Cibus multi nutrimenti stringit alvum, nisi corrumpatur, difficilè coquitur, & parum perspirat.

X L I X.

Ubi est difficultas coctionis, ibi tarditas perspirationis.

Cibus

L.

Cibus non ut fluidus debet præmitti sed ut melioris succi : pylorus enim non est in imo , ut in canibus.

L I.

Tria mala eveniunt ob ciborum varietatem ; nimium comeditur ; minùs coquitur : & minùs perspiratur.

L II.

Tempus minoris perspirationis est , quando stomachus est plenus , & præcipue varietate eduliorum.

L III.

Qui evomunt cænam, statim tollunt stomachi molestiam . sed sequenti aurora sentiunt corpus ponderosius : vomitus enim divertit perspirationem trahendo ad intrà perspirabile. quod ut acre lassitudinem, & calorem, ut copiosum gravitatem facit.

Qui

L I V.

(Qui comedit magis, quam oportet, alitur minùs quam oportet.

L V.

Qui in juventute sunt victus immoderati, ventriculum plus justo dilatant, quò fit, ut in posterum victu moderato magna cum difficultate uti possint.

L V I.

Qui ad statum, & moderatum victum facilè reduci cupit, utatur eduliis pauci nutrimenti, sic ventriculus citò se illo exonerans, minori se accommodabit capacitati.

L V I I.

Quantum edendum noveris si pluribus diebus observaveris corpus à fomno sine molestia ad idem pondus reduci.

L V I I I.

Si post pleniorē cœnam corpus
mi-

minoris ponderis die sequenti red-
datur, id eveniet vel ob corrupte-
lam, vel quia irritatur natura ad
expellendum utile, quod est admo-
dum nocivum: corpus enim præ-
paratur ad morbos, dum utilia eva-
cuantur, & cruda detinentur.

L I X.

Si cœna fuerit octo librarum, &
edulia in ventriculo corrumpantur,
corpus die sequenti erit minoris
ponderis, quam si cœna fuisset tri-
um librarum, & cibus non fuisset
corruptus.

L X.

Edulia aptissima perspirationi
non corrumpuntur, imò post no-
cturnas vigilias hominem conser-
vant sine lassitudine & gravitate.

L X I.

Edulia non perspirantia obstru-
ctiones, corruptelas, lassitudines,
mæstitias, & pondus efficere solent.

Illa

LXII.

Illa est viventis pessima conditio, dum facta ciborum concoctiones corpus per sentitur onerosius solito, cum tamen sit minoris ponderis.

LXIII.

Si quis cibi, vel potus nimietate utatur, & sequantur evacuationes sensibiles longè pleniores consuetis, corpus die sequenti fit solito levius.

LXIV.

Edulia liquida, data molis paritate; sunt ponderosiora solidis: liquida petunt fundum: solida supernatant: cyathus vini, seu jusculi est majoris ponderis, quam integer panis.

LXV.

Si nimius potus à somno efficiat oculos lacrymosos, signum est corpus non perspirasse ut par erat.

Si

L X V I.

Si post multam potationem sudas, vel multum meas, aut magnum robur, aut magna infirmitas indicatur.

L X V I I.

Aquæ potatio insensibilem perspirationem impedit, auger tamen sensibilem.

L X V I I I.

Potatio hisce sæculis in temperatis quoque est improporcionata: cibus enim illorum solet esse 12 unciarum circiter, potus quadraginta, & ultrà.

L X I X.

In homine utente moderato victu perspiratio nocturna aliquando ascendit ad tres libras: in utente plenissimo, stomacho præexistente vacuo, & robusto, potest ascendere ad quinque libras.

Ieju-

Jejunium corpus suo majori pondere insignitum juvat, mediocrino cet, minori longè magis.

LXXI.

Post longum jejunium si corpus liberalius nutriatur, perspiratio redditur plenior solito libram circiter.

LXXII.

Post immoderatum exercitium corporis vel animi statim vesci, malum: corpus enim defessum ægrè perspirat.

LXXIII.

Si sobrii, & in victu temperati præmaturè moriantur, amici mirantur novitatem, quia de perspiratione insensibili nil sciunt.

LXXIV.

Cibus & potus nimius non solum retenti perspirabilis acrimoniæ, sed etiam partium, præcipuè
non

non principum; pravos affectus diu occultant, qui dum corpora purgantur, vel inedia tractantur, repente erumpunt, & in gravissimos affectus facessunt.

L X X V.

Medicus qui præest rationi victus Principum, si nesciat quantum, & quando quotidie perspirent, illos decipit, & non medetur, & si juvet, casu juvat.

L X X V I.

A cibo quattuor horis circiter vix libram plurimi perspirant; inde ad nonam duas libras, à nonæ ad decimam sextam vix libram.

L X X V I I.

Tunc erit cibandi tempus, quando corpus reduceretur ad illud pondus, salubre tamen, quo fruebatur paulo antequam hesterno die ingessisset cibum: istud solus Apollo sine trutina sciet.

D

Sin

LXXVIII.

Sin verò nocturnæ potationis pondus insolitum, neque à robore concoctricis, neque à corruptela die sequenti tollatur, locum habent illa duo carmina.

*Si nocturna tibi noceat potatio vini.
Hoc tu manè bibas iterum, & fuerit medicina.*

LXXIX.

Si salubre corporis pondus à cæna est ducentarum librarum, corpus ob nimium coitum factum minus salubre, erit centum nonaginta octo librarum circiter, quia virtus illa languidior impedit, ne duæ alimentorum libræ possint saltem sine aliquo angore in pondus salubre converti.

LXXX.

Cibus facilis perspirationis facilius, & longè minori angore refarcit vires

vires coeuntium collapsas, quam difficilis, seu multi nutrimenti.

L X X X I.

Mustum aliquantulum turbidum si in ventriculo coquatur, non solum perspirat, sed maximè juvat aliorum eduliorum perspirationem: hujusmodi virtutis sunt calida flatulenta.

L X X X I I.

Cæpæ, allium, caro vervecina, phasiani, sed maximè omnium succus cyrenaicus juvant perspirationem eduliorum ægræ perspirabilem.

Additi ab Auctore.

L X X X I I I.

Cibus valdè paucus à ventre non amplectitur. Inde non coquitur, non restaurat, non perspirat.

L X X X I V.

Perspiratio insensibilis est excre-

mentum tertiæ coctionis : quare
si non fiat prima, neque tertia fiet
concoctio.

L X X X V .

Ob rigidam inediam, caput re-
pletur. pulsant tempora, tenduntur
hypochondria, brachiorum, & cru-
rum lassitudo fit.

L X X X V I .

Exinanitio à cibi pauxilo major,
quam à pharmaco , quod mover
quidem sensibilem, sed insensibi-
lem evacuationem divertit.

L X X X V I I .

Ventriculo in horis matutinis
vacuo ob omissam Cænam in pi-
tuitoso valde juvat edulium siccum
ut biscoctum.

L X X X V I I I .

Edulium quatuor librarum cir-
citer semel in die sumptum , si no-
ceret, bis vel ter ingestum juvaret:

Plc-

Plenitudo ventris evacuationem insensibilem divertit.

L X X X I X.

Nemo incidet in morbum, si sedulò provideat, ne cruditatibus laboret.

X C.

Senes ter sumere cibum in die, ut Antiochus, tutius est quam bis, vel semel multum: multum impedit perspirationem.

X C I.

Pisces in cæna cur non sumebat Antiochus? quia morantur perspirationem: à somno fit utilis perspiratio, qua feriata vires languescunt.

X C I I.

Succi cucumeris frigiditas, & crassities in venis conservatur: immo alii succi pravi licet sint coctu faciles prohibendo perspirationem efficiunt malignas febres.

X C I I I.

Cibi corruptella cur efficit lassitudinem? quia divertit perspirationem: Sed quomodo? quia facit cæliacum: Sed cur cæliacus lassitudinem facit? quia unà con excrementis exit aliquid prioris cibi benè cocti.

X C I V .

Si quis corpore defesso eat cænatum: lautum a somno statim carnes frigidaë, & lassitudines: a Cæna tamen duodecim horis circiter emendantur omnia: quia tunc coctio, & perspiratio utilis fit.

X C V .

Cibus à violento exercitio nocet, tum quia non amplectitur, tum quia perspiratum divertit.

X C V I .

Qui it cænatum animo perturbato longe minus digerit, quam quietus, & lætus.

XCVII.

Potus inter prandium, & cœnam nocet, Sed si tantundem minus in cœna potamus, tollitur nocumentum.

XCVIII.

Vomitus à cœna debilitat quia amover alimentum, tum quia divertit perspirationem.

XCIX.

Semel aut bis in mense facto excessu in cibo, & potu die sequenti licet sensibilibiter non evacuet: minus solito perpendit.

C.

Victus uniformis caret beneficio illorum, qui semel vel bis in mense excedunt: expultrix enim à copia irritata excitat tantum perspiratus quantû sine statica nemo crederet.

CI.

In frigido corpore mel juvat,

D 4

quia

quia nutrit, & perspirat, in calido nocet quia bilefcit.

CII.

Nihil magis impedit perspirationem, quam potus, dum fit chylus.

CIII.

Jecur ob refrigerationem minus attrahit chylum, longe minus expellit perspirabile.

CIV.

In homine sano alvus lubrica, vel fit vitata coctione, vel chyli dispensatione ob prohibitam perspirationem.

CV.

Bonæ valetudinis pestis duplex; corpus ex toto tradere quieti, & comedere ante cibi præcedentis concoctionem.



D E
SOMNO, ET VI-
GILIA.

SECTIO QVARTA.

APHORISMVS I.

S Omnis placidus adeo favet
perspirationi, ut septem
horis quinquaginta unciae
cocti perspirabilis in robustis sæpè
exhalent.

II.

Dormiens septem horarum spa-
cio occultè, salubriter, & sine
violentia perspirare solet duplo
magis, quam vigilans.

III.

Perspiratio dormientis, quæ cum
multo sudore fit, non est plenior

D 5

qua.

82 *De Somno, & Vigilia,*
quacumque insensibili perspiratione sine sudore.

I V.

A somno nocturno corpus sentitur minoris ponderis, tum ob vires auctas, tum ob exhalationem saltem trium librarum circiter excrementorum.

V.

Somnus inquietus impedire solet trientem solitæ perspirationis.

V I.

In somno placido perspiratio aliquando major est, data temporis paritate, quam in exercitio violento.

V I I.

In somno matutino, sed peracta prima coctione, libra perspirabilium excrementorum horæ spatium: non peracta, nec quadrans exhalare solet.

Quæ

VIII.

Quæ impediunt somnum, impediunt quoque perspirationem cocti perspirabilis.

IX.

Somni breves fiunt ab acrimonia perspirabilis retenti: perspirabile vero sæpe retinetur, quando natura aliis internis muneribus plus solito est occupata.

X.

Acrimonia perspirabilis retenti, vel sæpissime petit caput, turbat somnum, & partium superiorum perspirationem divertit.

XI.

Si quis à somno sentiat brachia dolentia, vel plus solito defatigata, significat corpus esse majoris ponderis, quam natura diu ferre possit.

XII.

Qui dormiunt pedibus ac coxis

84 *De Somno, & Vigilia,*
detectis noctis spatio libra per spirabilis exhalare prohibetur,

XIII.

Perennis in lecto corporis agitatio magis agitat, quam velox cursus: in motu enim currentis solum muscoli infernarum partium corporis, in metu jacentis muscoli ferre universi corporis moventur.

XIV.

Magis prohibetur perspiratio in dormientibus ab austina aura frigidiuscula, quam in vigilantibus ab ingenti frigore.

XV.

Si somnus nocturnus minor solito sit, exhalatio cocti perspirabilis imminuitur, crudi vero augetur.

XVI.

A cibo facilis perspirationis corpora potius debilia, quam ponderosa: à cibo vero difficilis, & debilia, & ponderosa fiunt.

Per-

X V I I.

Perspiratio à somno facta differt specie ab illa , quæ in vigilia : prima est coëtorum perspirabilium sine acrimonia, & cum virium levamine, secunda est crudorum, acris, violenta, & cum labore.

X V I I I.

Duplo magis dormiens perspirat vigilante. Hinc illud famosum: Duæ horæ quietis in vigilante perindè juvant, ac una somni.

X I X.

Perspirationem insensibilem cursu septem horarum in dormiente inveni in multis esse quadraginta unciarum circiter, in vigilante viginti.

X X.

Qui vacuo ventriculo it cubitum , ea nocte tertiam partem minus more solito circiter perspirat.

Bilio.

X X I.

Biliosi, qui eunt cubitum stomacho omnino vacuo, venter, & caput implentur crudis, pulsant tempora, eliquantur carnes, tensiones vehementes circa brachia, & manus oriuntur, excitatur aliquando morsus cordis, vertigines, & epilepsia ut accidit Diodoro.

X X I I.

A solito majori perspiratione plenioris carnis usus semper somnum longiorem, & jucundiolem pollicetur.

X X I I I.

Perspiratio minor solito praenuntiat somnum inquietum, & noctem molestam.

X X I V.

Si à brevi, & implacido somno carnes frigidae inveniantur, & inde febricula succedat, id in debilibus

bus mortem, in robustis morbi longitudinem magna ex parte prænuntiat.

XXV.

Lecti mutatione somnus implacitus, & perspiratio minor fit. insolita enim licet meliora, corpus, & animum lædunt.

XXVI.

Magis somniant in lecto insolito, quam in consueto jacentes.

XXVII.

Qui dormiunt, & non somniant, benè perspirant, & versavice.

XXVIII.

Somnus à cibo quattuor horis circiter est utilior: natura enim tunc minus est occupata prima coctione, meliùs remittit quod est amissum, & meliùs perspirationi faver.

XXIX.

Si à cœna quinque horis somno illi-

88 *De Somno, & Vigilia,*
illico excitatum perpenderis, vix
mediam libram, si octo horis tres
libras perspirasse invenies.

X X X.

Somno solito breviorē semper
aliquid perspirationis prohibetur,
quod nisi sequentibus diebus ple-
niori perspiratione compensetur,
imminet febris periculum.

X X X I.

Retenta aliqua perspirationis
consuetæ parte die sequenti vel à
prandio somno rapimur, & horæ
spatio libram circiter perspiramus:
vel nocte sequenti tantò longior
fit somnus, quanto magis solito ex-
pedit perspirare, vel in sensibi-
lem crīsim, vel in morbum labi-
mur.

X X X I I.

A somno oscitatio, & artuum
protensio indicant corpus maximè
perspirare, sicuti dicitur de
gallis,

gallis , sese alis ante cantum per-
cipientibus.

XXXIII.

Oscitationes , & artuum exten-
siones, quæ statim à somno con-
tingunt , ex copia perspirabilium
ad expulsionem optimè præpara-
torum excitantur.

XXXIV.

Corpora oscitatione , & pandi-
culatione horæ dimidiæ spatio ma-
gis perspirant , quam tribus horis
alterius temporis.

XXXV.

Qui agris dant serapia, vel me-
dicamenta horis optimæ perspira-
tionis, quæ solet esse à somno dua-
rum horarum spatio, lædunt: ho-
ris vero sequentibus profunt.

XXXVI.

In paroxysmis pandiculationes,
& osci-

90 *De Somno, & Vigilia,*
& oscitationes non significant caloris concentrationem, sed excretionem acrium copiosorum perspirabilium retentorum.

XXXVII.

Hora dormitionis meridianæ à cibo corpora aliquando libram, aliquando selibram excrementorum occultè perspirabilium excernere solent: libram, si aliquid perspirationis hesternæ dici retentum sit: selibram, si nihil.

XXXVIII.

Si aliquid hesternæ perspirationis sit retentum, & per somnum meridianum illud omninò non excernatur, statim à somno persentitur magnum capitis pondus magnusque dolor gravativus.

XXXIX.

Si quattuor horis a somni initio cibus corrumpatur, statim hæc duo
mala

mala se invicem consequentia con-
tingunt, prohibita perspiratio, &
vigilia.

X L.

Nulla causa sæpius somnum in-
terturbat quam ciborum corrupte-
la : id efficit quæ est inter stoma-
chum, & cerebrum sympathia.

X L I.

Somnus hyeme utilior quam
æstate, non quia ventres sunt calidi-
ores, vel somni longissimi, sed quia
antè diluculum corpora fiunt actu
calidiora, & ut talia maxime per-
spirant, æstate vero frigidiora.

X L I I.

A somno discursus puritas, &
corporis agilitas significant, cor-
pus illa nocte ad minus tres libras
magna ex parte perspirasse.

X L I I I.

A somno meridiano capitis le-
vitas

92 *De Somno, & Vigilia,*
vitas indicat, nihil perspirationis
hesternæ diei fuisse retentum.

X L I V.

Somnus externas, & internas
partes universas humectat, quia at-
tenuat perspirabile, & valde atte-
nuatum per omnia membra illud
dispensat.

X L V.

Vigilia movet à centro ad cir-
cumferentiam sanguinem, qui est
minus præparatus ad perspiratio-
nem, quam in somno correptis.

X L V I.

Somno concentrantur humores,
unitur calor influens innato, aufer-
tur sitis, nisi prædominetur bilis,
fit conversio sanguinis in secundas
humiditates, & corpora leviora
fiunt.

X L V I I.

Somno animales, vigilia vitales,
& naturales languescunt.

XLVIII.

Vigilia animales roborantur, vitales, & naturales languescunt.

XLIX.

Per somnum magis interiora incalescunt, ipsaque magis leviora fiunt. Per vigiliam magis exteriora incalescunt, ipsaque magis liviora fiunt.

L.

Per nimium somnum interiora, & exteriora frigescent, humores impinguntur, redduntur imperspirabiles, & corpora ponderosiora fiunt.

I. I.

Corpora biliosa per nimium somnum valdè læduntur, non quia recrementa tertiæ coctionis fiunt imperspirabilia, sed quia fiunt mordacissima, feriuntque deinde caput, & alia viscera.

In

LII.

In dormientibus stragulis detectis magis impeditur perspiratio, quam in vigilantibus vestibus denu-
datis, cum ob quietem dormien-
tium, tum quia calor externarum
partium refugit ad intra.

LIII.

Insolita vigilia reddit corpora
primis diebus ponderosiora & de-
bilia: ponderosiora quia post
evacuatiōē extrementorum per-
spirabilium relinquiter crudus suc-
cus per se, & per accidens pondero-
sus: debilia, quia ubi est crudi-
tas, ibi non fit conversio, & per-
consequens virtutes languescunt.

LIV.

Si somnus post vigiliam immo-
deratam fuerit septem horarum,
perspiratio erit major consueta ad
libram circiter.

Vigi-

L V.

Vigilia perseverantia reddit corpora minus ponderosa, non ab majorem perspirationem, vel evacuationem sensibilem sed quia quantum amittitur pinguedinis & carnis, tantum non remittitur.

L V I.

Horis matutinis corpus est, & sentitur minus grave: est, quia per somnum præcedentem tres libræ excrementorum perspirabilium exhalant: sentitur, tum quia est levius: tum quia per coctionem ciborum facile perspirabilium auctæ sunt vires.

L V I I.

Corpus vigilia insolita reddi potest majoris ponderis, si cibus, quo alitur, sit perspirationi ineptus.

L V I I I.

Tam copiosa est corporis exhalatio

latio in dormientibus, ut non solum
 ægri cum sanis cubantes, sed sani in-
 ter se bonas vel malas dispositiones
 sibi ipsis invicem communicent.

Additi ab Auctore.

LIX.

A cibo somnus, à somno coctio,
 à coctione utilis transpiratio.

LX.

Diacitonium non statim à cæna,
 sed post primum somnum excitat
 somnum dummodo non superbi-
 batur.

LXI.

Diacitonium cum cinamomo
 roborat stomachum, roborato sem-
 per somnus fit.

LXII.

Modicum vini generosi, & al-
 lium conciliant somnum & perspi-
 rationem : si vero plus justo su-
 man.

mantur, utrum quæ prohibent: perspirabile tamen in sudorem convertunt.

L X I I I.

Ille verè longævus, qui quotidie bene concoquit, & digerit: coctio fit Somno, & quiete: digestio vigilia & exercitio.

L X I V.

Lasitudo à somno, si solito exercitio tollatur, defectus erat in digestionem non in concoctionem.

L X V.

Dum à somno surgimus cum solito pondere: sed cum majori laxitudine, hæc, nisi solito exercitio tollatur cruditarum cumulum, cibi corruptellam vel nimium coitum significat.

L X V I.

Somnus meridianus insolitus viscera omnia lædit, hebetatque perspirationem.

E

Lasi-

L X V I I.

Lafitudo post fomnum tollitur
iis quæ facilem perfpirationem red-
dunt. hæc sunt , jejunium, exerci-
tium, vigilia , & ira.

L X V I I I.

Somnus strato & laxo corpore
nocet: contracto juvat: Viscera uni-
ta coctionem habent facilem : laxa
difficilem.

L X I X.

Sanis , si à fomno sudor frigidi-
usculus accidat, minus iusto per-
spirant , & temporis cursu si idem
accidat fiunt podagrici.

L X X.

Animio fomno & nimio meri
potu suffocantur vires : à nimia vi-
gilia & exercitio resolvuntur : hæc
omnia coctionem diminuunt , &
diminuta cessat utilis perfpiratio.



D E
EXERCITIO, ET
QUIETE.

SECTIO QUINTA.

APHORISMVS I.

IN motu violento corpus occultè minus perspirat, quàm in aurora post novem vel decem horas ab assumpta cœna.

I I.

Quod in motu violento per poros evacuatur, est sudor & perspirabile occultum: sed ut violentum magna ex parte elevatur ex incoctis succis: rarò enim tantum cocti perspirabilis in corpore colligitur quantum per violentiam evacuatur.

I I I.

Sudor semper est à causa violenta, & ut talis, (sicut Statica experimenta docent) impedit coëtorum perspirabilium occultam excretionem.

I V.

Longè magis perspirat corpus in lecto quiescens, quam in lecto frequenti & crebra agitatione circumvolutum.

V.

Longo itinere minus defatigantur hilares, & iracundi, quam timidi, & mœrentes : illi enim magis salubriter, hi vero minus perspirant.

V I.

Corpora quæ à nimio exercitio illico cibantur, læduntur : quia, ut defessa, & cibo gravata minus perspirant.

V I I.

Exercitium post septimam usque
ad

ad duodecimam horam ab assumpto cibo, magis resolvit insensibiliter horæ spatio, quam tribus horis alterius temporis.

V III.

Evacuatio insensibilis quæ fit ab exercitio violento, impedit ne successivè remittatur, quod amittitur: imo si eadem perseveraverit violentia, corpus reddetur adeo leve, ut in pluribus de futura tabe verendum sit.

I X.

Exercitio corpora leviora fiunt: omnes enim partes, præcipue musculi, & ligamenta motu ab excrementis purgantur: perspirabile ad exhalationem præparatur, & spiritus tenuiores fiunt.

X.

Motus præparat corpora ad excretionem excrementorum sensibilibum & insensibilium: quies magis ad insensibilium.

Si corpus à cœna in lecto quieverit decem horarum cursu optimè perspirabit: Si adhuc diutius quieverit, statim incipiet diminui tum sensibilis, tum insensibilis excretio.

X I I.

Quies longa efficit corpora agrotantia ponderosiora, tum quia perspirabilia excrementa motu ad excretionem præparantur; tum quia quiete cibi, & potus, si insoliti sint, vel debito copiosiores, ut in ægris accidit, non digeruntur, & inde omnia mala, & sæpissimè mortes eveniunt.

X I I I.

Si diu jacenti dolores pedum superveniant, remedio est ambulatio: si iter facienti, quies.

X I V.

Duo sunt exercitia, alterum corporis, & alterum animi: corporis evacuat sensibilia excrementa,
ani-

animi insensibilia magis, & præcipue cordis & cerebri, ubi sedet animus.

X V.

Nimia animi quies magis prohibet perspirationem, quam corporis.

X V I.

Animi exercitia, quæ maxime faciunt exhalare spiritus, sunt ira, percharia, timor, & mæstitia.

X V I I.

Corpora in lecto quiescentia vehementi animi motu agitata ut plurimum magis resolvuntur, & levioris ponderis fiunt, quam si animo placido cum vehementi corporis motu, sicut fit pilæ ludo, agitantur.

X V I I I.

Exercitio nimio excrementa primæ & secundæ coctionis magna ex parte per totius corporis ambitum

104 *De Exercitio, & Quiete,*
dispensantur, ideo alvus exiccatur,
corpora tamen fiunt leviora, quia
longe major est evacuatio insensibilis quam excrementorum crassorum excretio per alvum facta.

XIX.

Exercitium animi, & corporis violentum reddit corpora levioris ponderis, efficit velocem senectutem, & mortem præmaturam minatur; citius enim ex Philosopho moriuntur exercitati quam non exercitati.

XX.

Exercitium violentum à corpore cibo vel crudo succo referto aufert pondus sensibilibus excrementorum minus solito: insensibilium fere nihil.

XXI.

Exercitio corpus minus perspirat, somno magis, & magis lubrica redditur alvus.

Frictiones, & cucurbitulæ in refertis crudis succis impediunt perpirationem.

XXIII.

Tunc exercitium est faluberri-
mum, quando post factam primam
& secundam coctionem corpus re-
ducitur bis in die ante cibum ad
consuetum pondus.

XXIV.

Natatio statim post exercitium
violentum, mala: valde enim im-
pedit perpirationem.

XXV.

Exercitium violentum ubi spi-
rat ventus, malum.

XXVI.

Avento adiapneustia: à motu
acrimonia.

XXVII.

Equitatio respicit magis pere-
spirabile partium corporis supra
lumbos, quam infra; inter autem

E s equi-

106 *De Exercitio, & Quiete,*
equitationes solutans saluberrima,
sicut succussans insaluberrima.

XXVIII.

Vectio in lectica, nec non in
cymba corpora minus disponit ad
debitam perspirationem quam de-
ambulatio.

XXIX.

Cymbæ & lecticæ motus si diu
duret, saluberrimus, tunc solum
ad debitam perspirationem mirifice
disponit.

XXX.

Vectio in curru omnium violen-
tissima est: non enim solem per-
spirabile incoctum exspirare facit,
sed etiam solidas corporis partes, &
maximè renes offendit.

XXXI.

Saltus primo vires ad intra tra-
hit, deinde ad extra cum impetu
propellit, & cum violentia coctum
simul cum incocto expellit.

Disci

XXXII.

Disce exercitium compositum ex motu moderato, & violento, deambulatione scilicet, & agitatione brachiorum perspirationi conducit.

XXXIII.

Tripudiatio moderata, & sine saltu proxime ad deambulationis moderatæ laudes accedit: perspirabile enim coctum moderatè expellit.

Additi ab Auctore.

XXXIV.

Vbi perspiratio in sanis deficit, exercitio sarcitur.

XXXV.

A nimio exercitio fibræ fiunt duræ unde senectus, quæ est universalis fibrarum durities: hæc condensando meatus calorem suffocat: molities aperiendo longævitatē facit.

XXXVI.

Qui vult diutissimè juvenilem faciem conservare, caveat ne sudet: vel nimium præcalore perspiret.



D E
V E N E R E .

S E C T I O S E X T A .

A P H O R I S M V S I .

Nimia abſtinentia à coitu, & nimius uſus impediunt perſpirationem, ſed nimius uſus magis.

I I .

Post coitum immoderatum, quarta pars ſolitæ perſpirationis in pluribus prohiberi ſolet.

I I I .

Mala à nimio coitu orta mediatè à prohibita perſpiratione, immediatè à læſis concoctricibus dependent.

I V .

Cognoſcitur coitum profeciſſe, ſi à
ſe-

sequenti somno nulla sentiatur lassitudo, nec ulla corporis mutatio facta sit in gravitate, vel levitate.

V.

Diuturnæ venereorum cogitationes, modo gravius, & modo levius efficiunt corpus; gravius si pleno; levius si vacuo fiant stomacho.

V. I.

Post nimium coitum cum muliere quammaximè concupita non sentitur illico lassitudo: animi enim consolatio juvat tunc perspirationem cordis, & auget ejus robur, unde in ipso quod amittitur promptius remittitur.

V. II.

Propensi ad coitum, si temperent libidinem, illico succedit corporis agilitas, quia tales melius perspirant.

V. III.

Immoderatus coitus facit perspira-

spirare cruda, quæ deinde carnes frigidas efficiunt.

IX.

Coitum non nocuisse, hæc indicant: urina æque cocta ut ante: corporis agilitas: respiratio faciliior: & idem fere corporis pondus perseverans, eadem tamen servata eorum quæ ingeruntur quantitate, & qualitate.

X.

Præsens vulnus immoderati coitus est stomachi refrigeratio: futurum, prohibita perspiratio, unde facile fiunt palpitationes in superciliis, & artubus, & deinde in membris obtinentibus principatū.

XI.

Coitus in æstate magis nocet: non quia corpus magis perspirat, sed quia coctio, cum sit minor, desperditum difficilior resarcitur.

In

XII.

In actu venereo multum crudi perspiratur, & si diu duret, cruda transferuntur à centro ad corporis ambitum, fiunt obstructiones, & inde alvus supprimitur.

XIII.

Quanto quis majori coëundi cupiditate conflagrât, tanto ejus usus immoderatus minus lædit.

XIV.

Coitus immoderati detrimentum præcipuæ manifestatur post somnum sequentem; tunc enim ex Staticis experimentis cognoscitur perspirationem esse impeditam, & cibum esse male digestum, nec non stomachum valde læsum.

XV.

Coitus lædere solet primam coctionem, primo diminuendo perspirationis promptitudinem, deinde in crudam qualitatem convertendo cibum.

Qui

XVI.

Qui coitu utitur, & sperma non emittit, minus debilitatur. Idem si die sequenti utatur, & emittat quod die præcedenti fuit præparatum, minus debilitatur.

XVII.

Illi qui coëundo sperma ex studio non emittunt, in tumorem testiculorum facile incidunt : sperma enim est imperspirabile.

XVIII.

Coitus immoderatus post stomachum lædit magis oculos.

XIX.

Coitus immoderatus lædit visionem, quia ab oculis subducit maximam spirituum copiam ; inde tunicæ oculorum præduræ, & rugosæ, nec non meatus minus pervii redduntur.

XX.

A diminuta perspiratione fibræ
tuni-

tunicarum oculorū opaciores; inde visio fit per spatia perexigua, qualia sunt in cancellis : Specilla uniunt objecta in cuspidem, ut distincte per unum solum spatium videantur.

X X I.

A coitu immoderato diminuitur calor naturalis; à diminuto calore diminuta perspiratio; à diminuta perspiratione flatus, & palpitatio.

X X I I.

Coitus immoderatus postulat cibos paucos, & boni nutrimenti.

X X I I I.

Coitus calefacit jecur, & renes. quia excitatus calor minus exhalat: refrigerat verò stomachum, cerebrum, & cor, quia per meatus patentiores excitatus omnino, & proprius aliqua ex parte propterea resolvitur.

X X I V.

Hinc coitus immoderatus in hepate

114 *De Exercitio. & Quiete,*

pate bilem, in renibus nephriticum affectum, in stomacho crudum succum, in cerebro catarrhum, & in corde palpitationem, & Syncopen.

XXV.

Edulia post nimium coitum, si flatus gignant, ut ostreacea, & mustum, pernicioſa: impediunt enim ne ad consuetum pondus corpora reducantur.

XXVI.

Macilentis magis nocet coitus, quia magis caleſcunt, & magis refrigerantur.

XXVII.

Coitus immoderatus illico maxime leve efficit corpus, quamvis deinde perspirationem prohibeat: est enim vehemens corporis, & animi motus; corporis, quia omnia membra conquassantur: animi, quia resolvitur quod colligat animum corpori spiritus scilicet vitalis.

Si

XXVIII.

Si post coitum somnus laborem faciat, ex coitu major facta est ablatio, quam ex somno facta sit vitalis spiritus additio.

XXIX.

Post nimium coitus usum somnus trahit cruda ad cor: unde languor, prohibita perspiratio, & ponderis augmentum.

XXX.

Senex ex usu moderati coitus fiunt ponderosiores, & frigidiore: juvenes vero leviores, & calidiores.

XXXI.

Coitus in juvenibus animale, vitale, & naturalem roborat: animale per motum expurgat, & sopitam excitat naturalem per evacuationem superflui: & vitale per lætitiā.

Cibus

XXXII.

Cibus copiosior solito post immoderatum coitum interimeret, nisi succederet aliqua ciborum corruptela.

XXXIII.

Dum est coëundum parum vel nihil comedendum: dum est comedendum parum vel nihil coëundum.

XXXIV.

Si post coitus excessum nulla persentiat lassitudo, malum: id perinde ac in phreneticis fit ab incensis spiritibus, qui exiccando brevi spacio roborant nervos & tendines, sed paulo post imminuitur spirituum generatio & vires derepente cadunt.

Additi ab Auctore.

XXXV.

Coitus juvat excitatus à natura :
à men-

à mente mentem & memoriam
lædit.

XXXVI.

In debili ob coitum augetur
corporis pondus : quia minus per-
spirant.

XXXVII.

Coitus importunus impedit per-
spiratum ; quia diminuit vires ; un-
de corpus fit majoris ponderis, nisi
sequatur alvi fluor.

XXXVIII.

Nimius coitus calefaciendo &
exicando magnam jacturam facit :
si verò insensibili perspiratione re-
mitatur caliditas, & alimento sicci-
tas, nullam.

XXXIX.

Corporis agitatio in coëundo
instar canum magis nocet, quam
seminis emissio : hæc solum visce-
ra : illa omnes nervos & viscera
defatigat.

Ufus

X L.

Vsus coitus à cibo , & stando lædit à cibo viscerum officia diver- tit : stando musculos & eorum uti- lem perspiratum diminuit.

X L I.

Post motum , coitus insalubris : post cibum non ita , post somnum saluberrimus.

X L I I.

Coitus calefacit jecur , & refri- gerat stomachum à stomacho crudus succus à jecore , bilis , unde poracea , & oris morsus , Remedio est victus tenuis & libera perspi- ratio.



D E

ANIMI AFFECTIBVS.

SECTIO SEPTIMA.

APHORISMVS I.

INter affectus animi, ira & pericharia corpora efficiunt leviora: timor & mæstitia graviora: cæteri vero affectus ut his participantes operantur.

I I.

Mærore, & timore perspirat levius: ponderosius verò relinquitur: lætitia & ira utrumque.

I I I.

Hinc timentes, & mærentes facile obstructiones, partium duriem, & affectus hypochondriacos patiuntur.

Quira,

I V.

Qui ira, vel lætitia afficiuntur nullam in itinere defatigationem persentiunt: eorum enim corpora facile crassum perspirabile exhalant: quod non accidit, dum mærore, vel timore vexantur.

V.

Perspirabile ponderosum plus justo retentum ad mæstitiam, & timorem: leve vero ad lætiam vel iram disponit.

V I.

Nihil magis reddit liberam perspirationem, quam animi consolatio.

V I I.

Mæstitia, & timore facile membra humore referta durescunt.

V I I I.

Mæstitia, & timor impediunt perspirationem crassorum excrementorum.

mentorum perspirabilium : & perspiratio impedita à quacumq; causa mæstitiam , & timorem facit.

I X.

Mæstitia, si diu durer , carnes frigidæ facit: impedit enim ne perspirabilium crassa & frigida portio exhalet.

X.

Hinc febris, quæ post longam mæstitiam suboritur, sudores frigidos, & ut plurimum lætales molitur.

X I.

Acrimonia perspirabilis retenti ob mæstitiam commodè aufertur à perichæria; funduntur enim humores suaves , & deinde à corpore pondus & acrimonia tolluntur.

X I I.

Ira , & spes auferunt timorem, & læritia mæstitiam : passio enim animi non medicinis, sed alia passione contraria superatur; contraria enim sub eodem genere.

Non implicat, perspirabile melancholicorum retentum esse frigidum & acre seu calidum; tale est jecur hydropicorum febricitantium; frigidum videlicet respectu caloris naturalis, calidum respectu adventitii.

Morbi à melancholia, & ab aëre cænofo in hoc conveniunt, quod immediatè oriantur à crassitudine perspirabilium retentorum: mæstitia enim intrinsecus impedit ne exeat crassum: aer cænofo extrinsecus.

Qui eunt cubitum cum mæstitia, noctu minus perspirant; atque die sequenti corpora eorum conservantur solito ponderosiora.

In meditationibus venereis cum mæstitia excrementorum perspirabilem portio crassa retinetur: quæ, evolante tenuiore, adhuc crassior, &

& frigidior fit: hæc si colligatur ferè invincibilem inducit frigiditatẽ in capite, palpitationem curatu difficilem in corde, vel aliis membris.

X V I I.

Melancholia duplici via superatur, vel libera perspiratione, vel aliqua continua animi consolatione.

X V I I I.

Si post mæstitiam corpora fiant leviora, quam post lætitiã, id ex necessitate fit, vel ob minorem ciborum quantitatem, vel ob eorum qualitatem magis transpirabilem.

X I X.

Animi consolatio, quacumque de causa fiat, aperit meatus & largam perspirationem facit.

X X.

Si post iram statim sequatur animi consolatio, vel viceversa, corpora data paritate eorũ quæ ingeruntur die sequenti sunt leviora, quam si sola ira vel lætitia perseveraret.

Sicut magna aliqua voluptas auferitur per exiguam spermatis evacuationem ; sic omnes alii : immoderati animi affectus per aliquam evacuationem perspirabilium possunt diminui & auferri.

X X I I.

Timor, & mæstitia, ut ex Statiscis colligitur, per evacuationem excrementorum crassorum perspirabilium : ira & pericharia per tenuium auferuntur.

X X I I I.

Si quis sine causa sentiat se hilarem, id à magis aperta perspiratione fit, & ejus corpus die sequenti minoris ponderis invenitur.

X X I V.

Læticia moderata insensibiliter evacuat solum superfluum : immoderata superfluum, & utile.

X X V.

Moderata juvat coëtrices facultates natura enim non gravata superfluo

fluo longe melius suorum officiorum munera explet.

XXVI.

Improvisum gaudium magis nocet, quam prævium : non enim solum movet exhalationem excrementorum tertiæ coctionis, verum etiã spirituum vitalium; prævium vero excrementorum tantum.

XXVII.

Læticia & ira auferunt è corpore, quod ponderat & levitat ; mæsticia & timor solum quod levitat ; quod ponderat vero relinquitur.

XXVIII.

Læticia perseverans per multos dies somnum impedit, & vires dissolvit.

XXIX.

Siquis post moderatam læticiam sentiat se leviolem ; id non oritur principaliter à totius evacuatione, sed à cordis & cerebri, ubi quod evacuatur est mole minimum & virtute maximum.

X X X.

Edulia, quæ aperiunt, gaudium, quæ verò impediunt perspirationem, mæstitiam movent.

X X X I.

Selinum, & cætera aperientia, gaudium: legumina, carnes pingues, & cætera incrassantia, & statim replentia meatuum cavitates mæstitiam inducunt.

X X X I I.

Si evacuentur cavitates meatuum, & deinde statim repleantur, rectè dixit Hipp. malas animi passiones fieri.

X X X I I I.

Quibus prædominatur ira, exercitium immoderatum valdè nocet; citissimè enim illorum meatus fiunt cavi, & magno impetu replentur; Vnde Hipp. in biliosis frictiones, & palæstram vituperat.

X X X I V.

In otioso corpore, & animo meatus non redduntur cavi, nec
malæ

malæ animi passiones fiunt.

X X X V.

Corpus quiescens magis perspirat, & minoris ponderis fit, si animo vehementer agitetur, quam si celerrimè corpus moveatur, animo permanente otioso.

X X X V I.

Mutatio corporis diutius alterat animum, quam ipsum corpus.

X X X V I I.

Passiones animi versantur circa internum subjectum, quod magis mover quam movetur: quippe mole minimum & virtute maximum, ad instar seminis quodque vario modo dispositum perspirationis seu gravitatis, & levitatis est origo.

X X X V I I I.

Corpora, quæ perspirant plus solito non propter motum corporis, sed propter vehementem aliquem motum animi majori cum difficultate ad solitam & salubrem perspirationem reducuntur.

XX XIX.

Magis nocet nimius animi affectus quam nimius corporis motus.

XL.

Corpus marcesceret, & otio periret sine animi motu: sed non vice versa.

XLI.

Motus vehemens animi differt à motu vehementi corporis; hic quiete & somno; ille nec quiete, nec somno cessat.

XLII.

Qui vehementer ludo lucrari cupiunt, non ludant; quia si semper vicerint, ob perichariam ducent noctes insomnes, & tandem coëtorum perspirabilium exhalationem ammittent.

XLIII.

Victoria moderata salubrior, quam gloriosa.

XLIV.

Studium in affectuum animi mutatione diutius toleratur, quam sine affectu,

affectu, vel sine affectuum mutatione; perspiratio enim fit moderatior, & salubrior.

X L V.

Studium absque omni affectu vix horam perseverat, cum unico affectu vix quattuor horas, cum affectuum mutatione, ut in ludo alearum accidit; in quo modò gaudium ob lucrum, modò mæstitiam ob damnum experiuntur, die noctuque perseverare potest.

X L V I.

In omni studio perennis tristitia bonam cordis constitutionem evertit, & excessus lætitiæ somnum impedit; omne enim nimium naturæ inimicum.

X L V I I.

Nunc hilares, nunc mæsti, nunc iracundi, nunc timidi perspirationem magis salutarem habent, quam qui unico, licet bono semper gaudeant affectu.

Lætitia diastolem & Systolem
efficit faciliores: mæror & mæsti-
tia difficiliores.

A D

STATICOMASTICEM.

SECTIO OCTAVA.

APHORISMVS I.

Hic cum à cæli positu curatio-
nem morborum desumat pa-
ralogizat ex causa commu-
niori quæsito.

I I.

Fatuus primò negat, dein admit-
tit staticam, dicens varium fieri
pondus in Reo, & innocente. Pa-
rimodo primò negat porcorum
spiritus esse leves: deinde vult illos
ob spirituum levitatem ascendere.

Stati-

III.

Staticus scit pondus fæcum , licet eas nec videat , nec perpendat. Corpus ante perpendit & iterum post omnem excretionem: quod deficit est earum pondus: Sic non est indignum perpendere fæces , ut ait trico.

IV.

Nemo studiosorum præter fatuum ignorat facultatem vitalem in arterias & animalem in nervos mitti per radios , non per spiritus , ut ille.

V.

Fatuus putat levitatem ad stateram corporis vivis à copia spirituum oriri: nec unquam novit corpora mortua esse leviora vivis , & viva à coitu minus perpendere.

VI.

Mentitur in Auctorem dicens facultatem movendi corpora sursum esse

132 *Stacicomasticem,*
esse ipsos, spiritus: cum dicat Au-
ctor spiritus esse inanimatos, &
magis aëre gravitare.

V I I.

Vacilat dicens noctu corpora esse
frigidiora: ideo tunc parum, vel
nihil perspirare: Nec vidit pul-
sum, & inspirationem nocturnam
esse indicia corporis calidioris.

V I I I.

Fatuus putat corpora viva mor-
tuis esse leviora. Nec vidit unquam
lanios, cetarios & porcarios dum
vendunt vina demere decem à libris
centum.

I X.

Vesanus numquam distinguit
esse levem ad stateram à se sentire
leviorem potest quis gravitatem
corporis valde sentire, tamen ad
stateram esse levior.

X.

Corporis pondus mensura digno-
scimus,

scimus, non imaginatione, ut Vectors, qui imaginatur pituitam esse sanguine ponderosiorē: nec vidit eam supernatare; & per pituitam corpus non esse, sed se sentire ponderosius: cur? quia impedit perspirationem.

X I.

Mentitur in Auctorem non dicentem insensibilem perspirationem esse carniū difflationem. Hyeme unica die 60 unciaē circiter perspirantur cum levamine: si essent carniū, corpus destrueretur.

X I I.

De statica nil dixit Galenus: ergo irrita, Bis vacillat; primò quia non legit 6 detuenda. Deinde non valet, nihil dixit: ergo vana: Nos plurà instrumenta non spernenda ante nos incognita reperimus.

X I I I.

Celebris auctor com. 12. primæ
G sect.

134 *Staticomasticem,*

sect. aphor. ait, cibum proportionari difflationi: & com. 15. hyeme majorem fieri difflationem: ergo tunc magis edendum: ergo requiritur ponderis cognitio: qua omnia Trico negat.

XIV.

Fatuus nullam faciens experientiam negat ab aliis experta. Addit sine ulla periclitatione. Si 36 unciae noctu perspirentur, 32. esse carniū & quattuor excrementorum.

XV.

Trico mentitur in omnes auctor dicens spiritus esse aëre tenuiores: nonne ex sanguine & aëre fiunt? nonne à tranat omne corpus: spiritus verò vasit inclusi manent.

XVI.

Ait largam perspirationem à corpore non demere unciam ponderis. Nulla temeritas magis punienda est.

est. quam nulla habita experientia
reluctari experientiæ. Expertum est
noctis spatio corpus minus tribus
libris perpendere, & à coitu cor-
pora ad stateram esse leviora: ergo
fatuus arguendus mendacii.

X V I I.

Ait post immodicam mensium
purgationem corpora esse ponde-
rosioras post immodicam reten-
tionem leviora. Erratum fatale ve-
cordi, qui non distinguit
grave ad stateram à se
sentire grave.

F I N I S.**G 2**

BIBLIOTHECA
REGIA
MONACENSIS.